



Broj: 07-989-3/19
Sarajevo, 09.09.2019.godine

GRAD SARAJEVO
GRADSKO VIJEĆE
n/r Predsjedavajućeg Gradskog vijeća

Predmet: Odgovor na vijećničko pitanje gradskog vijećnika Toni Vukadin,-

Gradski vijećnik Toni Vukadin na 30. sjednici Gradskog vijeća Grada Sarajeva uputio je vijećničko pitanje sljedećeg sadržaja:

„ Da li su sve javne nabavke vršene u skladu sa Zakonom o javnim nabavkama?“

U vezi sa traženom informacijom obaviještavamo Vas, da se svi postupci javnih nabavki u JP „Olimpijski bazen Otoka“ d.o.o. Sarajevo provode u skladu sa Zakonom o javnim nabavkama BiH („Službeni glasnik BiH“, broj: 39/14), kao i u skladu sa podzakonskim aktima.

Ističemo činjenicu, da u skladu sa članom 35. Zakona o javnim preduzećima u FBiH i članom 35. Statuta, **Preduzeće redovno na mjesečnom nivou podnosi Odboru za reviziju i Nadzornom odboru Izvještaje o provedenim postupcima javnih nabavki.**

Odbor za reviziju na svojim redovnim mjesečnim sjednicama razmatra dostavljene izvještaje i vrši uvid u dokumentaciju o provedenim mjesečnim postupcima javnih nabavki. Nakon uvida u dokumentaciju i izvještaje o provedenim postupcima javnih nabavki, **Odbor za reviziju Preduzeća je konstatovao da u provođenju postupaka javnih nabavki u posmatranim periodima nije bilo kršenja važećih propisa o javnim nabavkama, odnosno, da su nabavke izvršene u skladu sa Zakonom o javnim nabavkama.**

Također, Odbor za reviziju je konstatovao, da je u skladu sa Zakonom o javnim nabavkama u BiH, Preduzeće dostavljalo Agenciji za javne nabavke pojedinačne izvještaje u zakonski predviđenom roku. **Agencija za javne nabavke prilikom vršenja svog redovnog monitoringa nije uočila, a samim tim i obavijestila Preduzeće o eventualnim kršenjima zakonskih propisa o javnim nabavkama.**

Nakon što pojedinačne izvještaje Preduzeća razmotri Odbor za reviziju, isti se, uz Izvještaj Odbora za reviziju dostavljaju Nadzornom odboru Preduzeća. Nadzorni odbor Preduzeća je obavezan da, na svojim sjednicama u skladu sa članom 8. ZJP-a, člana 29. i 31. Statuta Preduzeća i člana 5. Poslovnika o radu Nadzornog odbora, nadzire provođenje postupaka javne nabavke, vrši nadzor u pogledu primjene uputstava i pravilnika o postupku javne nabavke, pregleda izvještaje o nabavci te priprema izvještaje o mogućoj prevari ili zloupotrebi od strane nadležnih tijela Preduzeća. **Nadzorni odbor Preduzeća je u skladu sa svojom zakonskom obavezom donosio Odluke o usvajanju pojedinačnih izvještaja o provedenim postupcima javne nabavke sa konstatacijom da u posmatranom periodu u provođenju postupaka javnih nabavki nije bilo kršenja važećih propisa o javnim nabavkama, odnosno, da su nabavke izvršene u skladu sa Zakonom o javnim nabavkama.** O svim poduzetim radnjama informiše se i Skupština Preduzeća koja je u obavezi, u slučaju da uoči eventualne nepravilnosti, pravovremeno reagovati.

S poštovanjem,

Enes Peštek, s.r.
direktor